

Bosna i Hercegovina
Federacija Bosne i Hercegovine
Tuzlanski kanton
JKP „PANNONICA“ DOO TUZLA
Tuzla, Šetalište Slana banja bb

Broj: 874/18

Datum: 19.04.2018. godine

PREDMET: Poziv za dostavu ponuda za nabavku usluga hitne medicinske pomoći

Poštovani,

Na osnovu člana 8. stav (1) Zakona o javnim nabavkama BiH („Službeni glasnik BiH“, broj 39/14), člana 7. Pravilnika o postupku dodjele ugovora o uslugama iz Aneksa II dio B Zakona o javnim nabavkama („Službeni glasnik BiH“, broj 66/16) i Odluke o pokretanju postupka nabavke usluga hitne medicinske pomoći broj: 873/18 od 19.04.2018. godine,

P O Z I V A M O V A S

da dostavite ponudu za nabavku pružanje zdravstvenih usluga hitne medicinske pomoći

a) Naziv ugovornog organa

Ugovorni organ: JKP „Pannonica“ doo Tuzla
Adresa: Šetalište Slana banja bb, 75000 Tuzla
IDB/JIB: 4209598600008
Telefon: +387-35-246-711
Faks: +387-35-246 -710
Web adresa: www.panonika.ba
e-mail: panonica@bih.net.ba
Odgovorno lice: Majid Porobić

b) Opis predmeta nabavke i tehničke specifikacije

Klasifikacija nabavke iz Jedinstvog rječnika javnih nabavki (JRJN): 85140000-2, Razne zdravstvene usluge

Mjesto izvršenja usluga: prostorije Izvršioca usluga i kompleks Panonskih jezera u Tuzli.

Usluge koje su predmet nabavke su zdravstvene usluge hitne medicinske pomoći:

- Pružanje zdravstvenih usluga hitne medicinske pomoći (1 medicinski tehničar osposobljen za CPR sa opremljenim sanitetskim vozilom, vozačem i neophodnom terapijom) posjetiocima kompleksa Panonskih jezera u Tuzli i dežurstvo ekipe hitne medicinske pomoći;
- Obavezni zdravstveni (sanitarni) pregledi zaposlenika koji rade u ugostiteljstvu, prema spisku Naručioca usluga;
- Ljekarski (sistematski) pregled stalno zaposlenih, prema spisku Naručioca usluga;
- Ponovljeni bris grla ili bris nosa;
- Kurs o sticanju potrebnih znanja o higijeni životnih namirnica, sirovina namjenjenih za proizvodnju životnih namirnica i predmeta opšte upotrebe i o ličnoj higijeni, a u skladu sa Pravilnikom o načinu i obimu sticanja potrebnih znanja i higijeni životnih namirnica, sirovina namjenjenih za proizvodnju životnih namirnica i predmeta opšte upotrebe i o ličnoj higijeni (Sl. list SR BiH, br. 30/88), koji je na snazi na osnovu Poglavlja IX. član 5. stav 1. Ustava Federacije BiH i člana 200. Zakona o upravnom postupku (Sl.novine FBiH br. 2/98 i 48/99).

Dinamika vršenja usluga periodičnih ljekarskih pregleda:

- Ljekarski pregledi zaposlenika će se vršiti sukcesivno tokom 12 mjeseci.
- Planirani početak vršenja usluge je maj 2018. godine.
- Ugovorni organ će sa ponuđačem u roku od 10 dana od dana obostranog potpisa Ugovora usaglasiti dinamiku vršenja usluge.

Detaljna specifikacija usluga sastavni je dio Aneksa - Obrazac za cijenu, i zajedno sa pozivom je objavljena na web-stranici ugovornog organa.

c) Procijenjena vrijednost nabavke

Procijenjena vrijednost javne nabavke (bez uključenog PDV): 20.000,00 KM.

d) Period na koji se zaključuje ugovor

Ugovor se zaključuje na period od 12 (dvanaest) mjeseci.

e) Kriterij za dodjelu ugovora

Kriterij za dodjelu ugovora je najniža cijena ponude.

Ugovorni organ će odabrati ponuđača koji ponudi tehnički prihvatljivu ponudu sa najnižom cijenom.

Da bi bila rangirana, ponuda mora da sadrži sve dokaze u skladu sa zahtjevima utvrđenim u tački f) ovog poziva.

f) Uslovi i zahtjevi koje ponuđači trebaju ispuniti:

LIČNA SPOSOBNOST

Uslovi koje ponuđač mora ispuniti u pogledu lične sposobnosti

Ponuđač je dužan u svrhu dokazivanja lične sposobnosti dokazati da :

- a) u krivičnom postupku nije osuđen pravosnažnom presudom za krivična djela organizovanog kriminala, korupciju, prevaru ili pranje novca, u skladu sa važećim propisima u Bosni i Hercegovini ili zemlji u kojoj je registrovan;
- b) nije pod stečajem ili nije predmet stečajnog postupka, da nije predmet postupka likvidacije, odnosno postupka obustavljanja poslovne djelatnosti, u skladu sa važećim propisima u Bosni i Hercegovini ili zemlji u kojoj je registrovan;
- c) je ispunio obaveze u vezi sa plaćanjem penzijskog i invalidskog osiguranja i zdravstvenog osiguranja, u skladu sa važećim propisima u Bosni i Hercegovini ili propisima zemlje u kojoj je registrovan;
- d) je ispunio obaveze u vezi sa plaćanjem direktnih i indirektnih poreza, u skladu sa važećim propisima u Bosni i Hercegovini ili zemlji u kojoj je registrovan.

Dokazi koje ponuđač mora dostaviti u pogledu lične sposobnosti

U svrhu dokazivanja uslova iz tački a) do d) ponuđač je dužan dostaviti popunjenu i ovjerenu kod nadležnog organa izjavu koja je sastavni dio ovog poziva.

Ukoliko ponudu dostavlja grupa ponuđača, svaki član grupe je dužan dostaviti ovjerenu izjavu.

Ponudač koji bude odabran kao najbolji u ovom postupku javne nabavke je dužan dostaviti slijedeće dokaze u svrhu dokazivanja činjenica potvrđenih u izjavi i to:

- a) uvjerenje nadležnog suda kojim dokazuje da u krivičnom postupku nije izrečena pravosnažna presuda kojom je osuđen za krivično djelo učešća u kriminalnoj organizaciji, za korupciju, prevaru ili pranje novca;
- b) uvjerenje nadležnog suda ili organa uprave kod kojeg je registriran ponudač kojim se potvrđuje da nije pod stečajem niti je predmet stečajnog postupka, da nije predmet postupka likvidacije, odnosno da nije u postupku obustavljanja poslovne djelatnosti;
- c) uvjerenja nadležnih institucija kojim se potvrđuje da je kandidat/ponudač izmirio dospelje obaveze, a koje se odnose na doprinose za penziono i invalidsko osiguranje i zdravstveno osiguranje;
- d) uvjerenja nadležnih institucija da je kandidat/ponudač izmirio dospelje obaveze u vezi s plaćanjem direktnih i indirektnih poreza.

Ponudač je dužan dostaviti navedena uvjerenja u originalu ili ovjerenoj kopiji od strane nadležnog organa.

U slučaju da ponudači imaju zaključen sporazum o reprogramu obaveza, odnosno odgođenom plaćanju, po osnovu doprinosa za penzijsko-invalidsko osiguranje, zdravstveno osiguranje, direktne i indirektno poreze, dužni su dostaviti potvrdu nadležne institucije/a da ponudač u predviđenoj dinamici izmiruje svoje reprogramirane obaveze. Ukoliko je ponudač zaključio sporazum o reprogramu obaveza ili odgođenom plaćanju obaveza i izvršio samo jednu uplatu obaveza, neposredno prije dostave ponude, ne smatra se da u predviđenoj dinamici izvršavaju svoje obaveze i taj ponudač neće biti kvalifikovan u ovom postupku javne nabavke.

Uvjerenja koja je ponudač dužan dostaviti ne smiju biti starija od tri mjeseca računajući od dana dostave ponude.

Dokaze o ispunjavanju uslova odabrani ponudač je dužan dostaviti u roku od 7 dana, od dana zaprimanja obavještenja o rezultatima ovog postupka javne nabavke. Dokazi koje dostavlja izabrani ponudač moraju biti dostavljeni u originalu ili kopiji ovjerenoj od strane nadležne institucije.

Ukoliko ponudu dostavlja grupa ponuđača, svaki član grupe mora ispunjavati uslove u pogledu lične sposobnosti i dokazi se dostavljaju za svakog člana grupe posebno.

SPOSOBNOST ZA OBAVLJANJE PROFESIONALNE DJELATNOSTI

Ponuđači trebaju uz ponudu dostaviti dokaz o registraciji u relevantnim profesionalnim ili drugim registrima u zemlji u kojoj su registrovani, ili dostaviti posebnu izjavu ili potvrdu nadležnog organa kojom se dokazuje njihovo pravo da obavljaju profesionalnu djelatnost koja je u vezi sa predmetom nabavke.

Za ugovorni organ kao dokaz o registraciji za obavljanje predmetne djelatnosti prihvatljivi su sljedeći dokazi:

- Rješenje o upisu u sudski registar ili Izvod iz sudskog registra ili neki drugi dokument kojim ponudač nedvosmisleno dokazuje da je registriran za obavljanje predmetne djelatnosti.

Ukoliko ponudu dostavlja grupa ponuđača, svi članovi grupe zajedno moraju biti registrovani za obavljanje djelatnosti koja je predmet nabavke ili za dio predmeta nabavke.

Ponuđači će dostaviti navedene dokaze uz ponudu u kopiji. Ponuđač koji bude odabran kao najbolji u ovom postupku javne nabavke je dužan dostaviti navedene dokaze u originalu ili ovjerenom kopiji od strane nadležne institucije u roku od 7 dana od dana prijema obavještenja o rezultatima ovog postupka javne nabavke

TEHNIČKA I PROFESIONALNA SPOSOBNOST

Ocjena tehničke i profesionalne sposobnosti ponuđača će se izvršiti na osnovu slijedećih izjava i dokumenata koje dostave ponuđači (u skladu sa članom 48. i 50. ZJN):

- a) izjava o tehničkoj i profesionalnoj sposobnosti – prema obrascu iz priloga ove tenderske dokumentacije;
- b) odobrenje od nadležnog ministarstva za obavljanje periodičnih pregleda zaposlenika – original ili ovjerena kopija;
- c) spisak izvršenih ugovora koji su u vezi s predmetnom nabavkom za period ne duži od 3 (tri) godine.

Uz spisak priložiti i potvrde o uredno izvršenim ugovorima koje ponuđaču izdaje druga ugovorna strana. Ako je ponuđač tek registrovan, odnosno počeo sa radom prije manje od 3 (tri) godine, dužan je dostaviti spisak izvršenih ugovora, kao i potvrdu/e o njihovom urednom izvršenju od datuma registracije, odnosno početka poslovanja.

Potvrde o uredno izvršenim ugovorima moraju sadržavati slijedeće podatke:

- Naziv i sjedište ugovornih strana ili privrednih subjekata;
 - Predmet ugovora;
 - Vrijednost ugovora;
 - Vrijeme i mjesto izvršenja ugovora;
 - Navode o uredno izvršenim ugovorima.
- d) Izjavu o posjedovanju vlastite laboratorije i medicinske opreme;
 - e) Listu zaposlenika ponuđača sa kvalifikacionom strukturom;
 - f) Listu stručnog osoblja sa kvalifikacijama koje će neposredno biti angažovano na izvršenju ugovora, pojedinačno za svaku vrstu usluge.

DISKVALIFIKACIJA PO OSNOVU SUKOBA INTERESA ILI KORUPCIJE

Ugovorni organ može diskvalifikovati ponuđača iz ovog postupka javne nabavke ukoliko može dokazati da je ponuđač bio kriv za ozbiljan profesionalni prekršaj u posljednje tri godine, ali samo ukoliko može dokazati na bilo koji način, posebno značajni i/ili nedostaci koji se ponavljaju u izvršavanju bitnih zahtjeva ugovora koji su doveli do njegovog prijevremenog raskida (npr. dokaz o prijevremenom raskidu ranijeg ugovora zbog neispunjavanja obaveze u skladu sa Zakonom o obligacionim odnosima), nastanka štete (pravosnažna presuda nadležnog suda za štetu koju je pretrpio ugovorni organ), ili drugih sličnih posljedica koje su rezultat namjere ili nemara tog privrednog subjekta (dokazi u skladu sa postojećim propisima u Bosni i Hercegovini).

U skladu sa članom 52. Zakona o javnim nabavkama BiH Ugovorni organ je dužan odbiti ponudu ako je ponuđač sadašnjem ili bivšem zaposleniku ugovornog organa dao ili je spreman dati mito u obliku novčanih sredstava ili u bilo kojem nenovčanom obliku, s ciljem ostvarivanja uticaja na radnju, odluku ili tok postupka javne nabavke.

U vezi sa navedenim svaki ponuđač je dužan uz ponudu dostaviti i posebnu pismenu izjavu da nije nudio mito niti učestvovao u bilo kakvim radnjama koje za cilj imaju korupciju u predmetnoj javnoj nabavci.

Ponuđač je dužan navedenu izjavu pripremiti i dostaviti prema obrascu iz aneksa ovog poziva, ovjerenu i potpisanu od strane ponuđača i ovjerenu od strane nadležnog organa.

U slučaju da ponudu dostavlja grupa ponuđača navedenu izjavu daje svaki član grupe ponuđača.

Ukoliko ponuđač namjerava podugovoriti dio ugovornih obaveza, isto je potrebno posebno navesti u izjavi ponuđača o podugovaranju. Ukoliko izjava ne bude dostavljena posebno, smatrat će se da ponuđač ne planira podugovarati nijedan dio predstojećeg ugovora

g) Način dostavljanja ponude

Ponuđači su obavezni da pripreme ponude u skladu sa kriterijima koji su utvrđeni u ovom pozivom. Ponude koje nisu pripremljene u skladu sa ovim Pozivom će biti odbačene kao neprihvatljive.

Ponuda se zajedno sa pripadajućom dokumentacijom priprema na jednom od službenih jezika u Bosni i Hercegovini, na latiničnom ili ćiriličnom pismu. Pri pripremi ponude ponuđač se mora pridržavati zahtjeva i uslova iz ovog poziva. Ponuđač ne smije mijenjati ili nadopunjavati tekst poziva.

Ponuda se izrađuje na način da čini cjelinu. Ako zbog obima ili drugih objektivnih okolnosti ponuda ne može biti izrađena na način da čini cjelinu, onda se izrađuje u dva ili više dijelova. Ako je ponuda izrađena od više dijelova ponuđač mora u sadržaju ponude navesti od koliko se dijelova ponuda sastoji.

Ponuda se čvrsto uvezuje na način da se onemogućí naknadno vađenje ili umetanje listova. Ako je ponuda izrađena u dva ili više dijelova, svaki dio se čvrsto uvezuje na način da se onemogućí naknadno vađenje ili umetanje listova. U skladu sa stavom Agencije za javne nabavke BiH **pod čvrstim uvezom se podrazumijeva ponuda uvezana odnosno ukoričena u knjigu ili ponuda, na neki drugi način, uvezana u cjelinu i uz to osigurana jamstvenikom čija su oba kraja na prvoj ili posljednjoj strani pričvršćena utisnutim žigom ili naljepnicom ovjerenom pečatom ponuđača a u svrhu izbjegavanja manipulisanja stranicama ponude.** Dijelove ponude kao što su uzorci, katalogi, mediji za pohranjivanje podataka i sl. koji ne mogu biti uvezani ponuđač obilježava nazivom i navodi u sadržaju ponude kao dio ponude.

Stranice ponude se označavaju brojem na način da je vidljiv redni broj stranice. Kada je ponuda izrađena od više dijelova, stranice se označavaju na način da svaki slijedeći dio započinje rednim brojem kojim se nastavlja redni broj stranice kojim završava prethodni dio. Ako sadrži štampanu literaturu, brošure, kataloge koji imaju izvorno numerisane brojeve, onda se ti dijelovi ponude ne numerišu dodatno. Izuzetno, ponuda neće biti odbačena ukoliko su listovi ponude numerisani na način da je obezbijeden kontinuitet numerisanja, te će se smatrati manjim odstupanjem koje ne mijenja, niti se bitno udaljava od karakteristika, uslova i drugih zahtjeva utvrđenih u obavještenju o nabavci i TD.

U slučaju da ponuđač primijeti da je načinio grešku prilikom pripreme ponude ista mora biti ispravljena na način da ispravljani podaci moraju biti vidljivi, potvrđeni potpisom ponuđača i sa datumom izvršenja ispravke.

Ponuda, bez obzira na način dostavljanja, mora biti zaprimljena u ugovornom organu, na adresi navedenoj u ovom pozivu, do datuma i vremena navedenog u pozivu za dostavu ponuda. Sve ponude zaprimljene nakon tog vremena su neblagovremene i kao takve, neotvorene će biti vraćene ponuđaču.

h) Period važenja ponude

Neophodno je da ponuđač osigura validnost ponude uz minimalnu opciju od 60 dana od dana otvaranja ponude u vidu Izjave ponuđača. U periodu važenja ponude, ugovorni organ može zahtijevati od ponuđača, u pisanoj formi, da produži period važenja do određenog roka. Ako ponuđač ne odgovori na pisani zahtjev ugovornog organa u pogledu produženja perioda važenja ponude ili ne pristane produžiti rok važenja ponude, smatra se da je ponuđač odbio zahtjev ugovornog organa, te se njegova ponuda ne razmatra u daljnjem toku postupka.

i) Adresa na koju se ponuda dostavlja

Ponude se predaju na protokol ugovornog organa na adresi Šetalište Slana banja bb, Tuzla ili putem pošte, na adresu ugovornog organa, u zatvorenoj koverti na kojoj, na prednjoj strani koverta, mora biti navedeno:

JKP Pannonica doo Tuzla

Šetalište Slana banja bb, 75000 Tuzla

PONUĐA ZA NABAVKU USLUGA HITNE MEDICINSKE POMOĆI

„NE OTVARAJ“

U lijevom gornjem uglu koverta ponuđač je dužan navesti:

Naziv i adresa ponuđača /grupe ponuđača

j) Datum i vrijeme za provođenje pregovaranja i dostavljanje konačne ponude:

Nije predviđeno provođenje pregovora.

k) Krajnji rok za dostavu ponuda

Ponude se dostavljaju na način definisan u ovom pozivu za dostavu ponuda i to na sljedeću adresu:

Ugovorni organ: JKP Pannonica d.o.o. Tuzla

Ulica i broj: Šetalište Slana banja bb, 75000 Tuzla

Kancelarija broj: Protokol ugovornog organa

Datum: 08.05.2018. godine

Vrijeme do kada se primaju ponude: 10:00 časova.

Ponude zaprimljene nakon isteka roka za prijem ponuda se vraćaju neotvorene ponuđačima. Ponuđači koji ponude dostavljaju poštom preuzimaju rizik ukoliko ponude ne stignu do krajnjeg roka utvrđenog tenderskom dokumentacijom.

l) Kontakt osoba, broj telefona i adresa elektronske pošte

Ovaj poziv je objavljen na internet stranici ugovornog organa: www.panonika.ba

Kontakt osoba: Majid Porobić

Telefon: +387-35-246-711

Faks: +387-35-246-710

e-mail: panonica@bih.net.ba

Prilozi:

ANEKS 1. Obrazac za dostavljanje ponuda

ANEKS 2. Obrazac za cijenu ponude

ANEKS 3. Obrazac Izjave o ispunjenosti uslova iz člana 45. Zakona o javnim nabavkama

ANEKS 4. Izjava o tehničkoj i profesionalnoj sposobnosti.

ANEKS 5. Obrazac izjave iz člana 52. Zakona

ANEKS 6. Obrazac za dostavu povjerljivih informacija

ANEKS 7. Nacrt Ugovora



Direktor

Majid Porobić

ANEKS 1. - OBRAZAC ZA DOSTAVLJANJE PONUDE

Redni broj nabavke: 50

UGOVORNI ORGAN:

JKP Panonica doo Tuzla, Šetalište Slana banja bb, Tuzla

PONUĐAČ:

	Naziv, sjedište, adresa i ID broj ponuđača	Da li je ponuđač u sistemu PDV-a	Potpis ovlaštenog lica ponuđača
Ponuđač ili u slučaju grupe ponuđača ovlašteni predstavnik grupe ponuđača*			
Član grupe ponuđača*			
Član grupe ponuđača*			

*U slučaju da ponuđač nastupa samostalno popunjava samo prvi red tabele. podgovarač se ne smatra članom grupe ponuđača.

KONTAKT OSOBA (za ovu ponudu)

Ime i prezime	
Adresa	
Telefon	
Faks	
E-mail	

IZJAVA PONUĐAČA

Ukoliko ponudu dostavlja grupa ponuđača izjavu popunjava predstavnik grupe ponuđača

U postupku javne nabavke, koju ste pokrenuli dostavljamo ponudu i izjavljujemo sljedeće:

1. U skladu sa sadržajem i zahtjevima iz poziva ovom izjavom prihvatamo njene odredbe u cjelosti, bez ikakvih rezervi ili ograničenja;
2. Ovom ponudom odgovaramo zahtjevima iz poziva za isporuku usluga u skladu sa uslovima utvrđenim u pozivu, kriterijima i utvrđenim rokovima, bez ikakvih rezervi ili ograničenja.
3. Cijena naše ponude iznosi:

Ukupna cijena bez PDV-a	Iznos PDV-a	Ukupna cijena sa uračunatim PDV-om
KM	KM	KM

**Ako ponuđač nije u sistemu PDV-a na mjesto predviđeno za upis cijene ponude sa PDV-om upisuje se isti iznos kao i u rubrici za cijenu Bez PDV-a. Mjesto predviđeno za unos iznosa PDV-a ostavlja se prazno*

U prilogu se nalazi naš obrazac za cijenu ponude, koji je popunjen u skladu sa zahtjevima iz poziva. U slučaju razlika u cijenama iz ove Izjave i Obrasca za cijenu ponude, relevantna je cijena iz obrasca za cijenu ponude.

4. **Ponuđač je dužan odabrati jednu od opcija koja vrijedi za njegovu ponudu:**

- Ispunjava uslove za primjenu preferencijalnog tretmana domaćeg
- Ne ispunjava uslove za primjenu preferencijalnog tretmana domaćeg

5. Ova ponuda važi 60 dana (slovima: šezdeset dana) računajući od isteka roka za dostavljanje ponuda.

6. Ovim putem izjavljujemo da **(odabrati ono što vrijedi za ovaj postupak javne nabavke i popuniti u slučaju druge opcije):**

- nemamo namjeru vršiti podugovaranje u ovom postupku javne nabavke
- imamo namjeru vršiti podugovaranje u ovom postupku javne nabavke i to za sljedeće dijelove ugovora o javnoj nabavci:
.....
.....
.....
.....
..... te se obavezujemo da ćemo ugovorni organ blagovremeno obavijestiti o identitetu podugovarača i dostaviti potrebnu dokumentaciju u skladu sa zahtjevima iz poziva u slučaju da nam ugovor bude dodijeljen.

Plaćanje podugovaraču će se vršiti: **(ponuđač je dužan odabrati jednu od opcija ukoliko će vršiti podugovaranje)**

- podugovaraču direktno za dio podugovorenih radova
- preko glavnog izvođača radova.

7. Kao ino-ponuđač odnosno ponuđač sa sjedištem registrovanim izvan BiH, ukoliko naša ponuda bude izabrana kao najpovoljnija angažovat ću poreskog punomoćnika sa sjedištem u BiH i to:

Naziv: _____

Sjedište: _____

Poreski broj: _____

Navedeno neće prouzrokovati nikakve dodatne troškove za Naručitelja u skladu sa odredbama ovog Poziva. (popunjava samo inostrani ponuđač)

8. Ako naša ponuda bude najuspješnija u ovom postupku javne nabavke, obavezujemo se
- a) dostaviti dokaze o kvalificiranosti, u pogledu lične sposobnosti, tehničke i profesionalne sposobnosti koji su traženi pozivom i u roku koji je utvrđen, a što potvrđujemo izjavama u ovoj ponudi

Ime i prezime lica koja je ovlašteno da predstavlja ponuđača:

[.....]

Potpis ovlaštene osobe: [.....] Pečat preduzeća:

Mjesto i datum: [.....]

ANEKS 2. - OBRAZAC ZA CIJENU PONUDE**NABAVKA USLUGA HITNE MEDICINSKE POMOĆI**

Naziv ponuđača: _____

Ponuda broj: _____

Datum: _____

Redni broj	Naziv usluge	Jedinica mjere	Količina	Jedinična cijena bez PDV-a	Ukupna cijena bez PDV-a
1.	Hitna medicinska pomoć	sat	550		
2.	Sanitarni pregledi	kom	75		
3.	Sistematski pregledi	kom	10		
4.	Bris grla ili nosa	kom	30		
5.	Kurs higijenskog minimuma	kom	36		
Ukupna cijena bez PDV-a					
Iznos PDV-a					
Ukupna cijena sa PDV-om					

Potpis i pečat ponuđača: _____

Napomena:

1. Cijene moraju biti izražene u KM. Za svaku stavku u ponudi mora se navesti cijena.
2. Cijena ponude se iskazuje bez PDV-a i sadrži sve naknade koje ugovorni organ treba platiti ponuđaču. Ugovorni organ neće imati nikakve dodatne troškove osim onih koji su navedeni u ovom obrascu.
3. U slučaju razlika između jediničnih cijena i ukupnog iznosa, ispravka će se izvršiti u skladu sa jediničnim cijenama.
4. Jedinična cijena stavke se ne smatra se greškom, odnosno ne može se ispravljati.

ANEKS 3. - Izjava o ispunjenosti uslova iz člana 45. stav (1) tačaka od a) do d) Zakona o javnim nabavkama („Službeni glasnik BiH“ broj: 39/14)

Ja, niže potpisani _____ (*Ime i prezime*), sa ličnom kartom broj: _____ izdatom od _____, u svojstvu predstavnika privrednog društva ili obrta ili srodne djelatnosti _____ (*Navesti položaj, naziv privrednog društva ili obrta ili srodne djelatnosti*), ID broj: _____, čije sjedište se nalazi u _____ (*Grad/općina*), na adresi _____ (*Ulica i broj*), kao ponuđač u postupku javne nabavke usluga hitne medicinske pomoći, a kojeg provodi ugovorni organ JKP Pannonica d.o.o. Tuzla, a u skladu sa članom 45. stavovima (1) i (4) **pod punom materijalnom i kaznenom odgovornošću**

IZJAVLJUJEM

Ponuđač _____ u navedenom postupku javne nabavke, kojeg predstavljam, nije:

- a) Pravosnažnom sudskom presudom u kaznenom postupku osuđen za kaznena djela organiziranog kriminala, korupcije, prevare ili pranja novca u skladu s važećim propisima u BiH ili zemlji u kojoj je registriran;
- b) Pod stečajem ili je predmetom stečajnog postupka ili je pak predmetom postupka likvidacije;
- c) Propustio ispuniti obaveze u vezi s plaćanjem penzionog i invalidskog osiguranja i zdravstvenog osiguranja u skladu s važećim propisima u BiH ili zemlji u kojoj je registriran;
- d) Propustio ispuniti obaveze u vezi s plaćanjem direktnih i indirektnih poreza u skladu s važećim propisima u BiH ili zemlji u kojoj je registriran.

U navedenom smislu sam upoznat sa obavezom ponuđača da u slučaju dodjele ugovora dostavi dokumente iz člana 45. stav (2) tačke od a) do d) na zahtjev ugovornog organa i u roku kojeg odredi ugovorni organ shodno članu 72. stav (3) tačka a).

Nadalje izjavljujem da sam svjestan da krivotvorenje službene isprave, odnosno upotreba neistinite službene ili poslovne isprave, knjige ili spisa u službi ili poslovanju kao da su istiniti predstavlja kazneno djelo predviđeno Kaznenim zakonima u BiH, te da davanje netačnih podataka u dokumentima kojima se dokazuje lična sposobnost iz člana 45. Zakona o javnim nabavkama predstavlja prekršaj za koji su predviđene novčane kazne od 1.000,00 KM do 10.000,00 KM za ponuđača (pravno lice) i od 200,00 KM do 2.000,00 KM za odgovorno lice ponuđača.

Također izjavljujem da sam svjestan da ugovorni organ koji provodi navedeni postupak javne nabavke shodno članu 45. stav (6) Zakona o javnim nabavkama BiH u slučaju sumnje u tačnost podataka datih putem ove izjave zadržava pravo provjere tačnosti iznesenih informacija kod nadležnih organa.

Izjavu dao:

Mjesto i datum davanja izjave:

Potpis i pečat nadležnog organa:

M.P.

ANEKS 4. - IZJAVA O TEHNIČKOJ I PROFESIONALNOJ SPOSOBNOSTI

Naziv privrednog subjekta: _____

Adresa privrednog subjekta: _____

Kao ponuđač u postupku javne nabavke usluga hitne medicinske pomoći prema zahtjevu iz poziva

I Z J A V L J U J E M O

Pod punom materijalnom i krivičnom odgovornošću da posjedujemo tehničku i profesionalnu sposobnost za uredno i kvalitetno izvršenje usluga koje su predmet ove nabavke.

U _____, _____ 2018. godine.

Za ponuđača:

(M. P.) _____
(Čitko upisati ime i prezime ovlaštene osobe privrednog subjekta)

(Vlastoručni potpis ovlaštene osobe privrednog subjekta)

ANEKS 5.- PISMENA IZJAVA IZ ČLANA 52. ZAKONA O JAVNIM NABAVKAMA

Ja, niže potpisani _____ (Ime i prezime), sa ličnom kartom broj: _____ izdatom od _____, u svojstvu predstavnika privrednog društva ili obrta ili _____ srodne djelatnosti _____ (Navesti položaj, naziv privrednog društva ili obrta ili srodne djelatnosti), ID broj: _____, čije sjedište se nalazi u _____ (Grad/općina), na adresi _____ (Ulica i broj), kao kandidat/ponuđač u postupku javne nabavke usluga hitne medicinske pomoći, a kojeg provodi ugovorni organ JKP Pannonica d.o.o. Tuzla, a u skladu sa članom 52. stav (2) Zakona o javnim nabavkama **pod punom materijalnom i kaznenom odgovornošću**

IZJAVLJUJEM

1. Nisam ponudio mito ni jednom licu uključenom u proces javne nabavke, u bilo kojoj fazi procesa javne nabavke.
2. Nisam dao, niti obećao dar, ili neku drugu povlasticu službenom ili odgovornom licu u ugovornom organu, uključujući i strano službeno lice ili međunarodnog službenika, u cilju obavljanja u okviru službene ovlasti, radnje koje ne bi trebalo da izvrši, ili se suzdržava od vršenja djela koje treba izvršiti on, ili neko ko posreduje pri takvom podmićivanju službenog ili odgovorna lica.
3. Nisam dao ili obećao dar ili neku drugu povlasticu službenom ili odgovornom licu u ugovornom organu uključujući i strano službeno lice ili međunarodnog službenika, u cilju da obavi u okviru svoje službene ovlasti, radnje koje bi trebalo da obavlja, ili se suzdržava od obavljanja radnji, koje ne treba izvršiti.
4. Nisam bio uključen u bilo kakve aktivnosti koje za cilj imaju korupciju u javnim nabavkama.
5. Nisam sudjelovao u bilo kakvoj radnji koja je za cilj imala korupciju u toku predmeta postupka javne nabavke.

Davanjem ovu izjave, svjestan sam kaznene odgovornosti predviđene za kaznena djela primanja i davanja mita i kaznena djela protiv službene i druge odgovornosti i dužnosti utvrđene u Kaznenim zakonima Bosne i Hercegovine.

Izjavu dao:

Mjesto i datum davanja izjave:

Potpis i pečat nadležnog organa:

M.P.

ANEKS 6. - OBRAZAC ZA DOSTAVU POVJERLJIVIH INFORMACIJA

Informacija koja je povjerljiva	Brojevi stranica s tim informacijama u ponudi	Vremenski period u kojem će te informacije biti povjerljive

Napomena:

1. Povjerljivim informacijama ne mogu se smatrati: ukupne i pojedinačne cijene iskazane u ponudi; predmet nabavke, odnosno ponuđena roba, usluga ili rad; potvrde, uvjerenja i ostala dokumentacija od kojih zavisi kvalifikacija ponuđača u ovom postupku javne nabavke. Ukoliko ponuđač i navede navedene podatke kao povjerljive oni se ipak neće smatrati povjerljivim

Potpis i pečat dobavljača

ANEKS 7. – NACRT UGOVORA
o pružanju zdravstvenih usluga hitne medicinske pomoći, obavljanju zdravstvenih (sanitarnih)
pregleda i kurs higijenskog minimuma

zaključen dana _____ 2018. godine u Tuzli, između:

1. **JKP Pannonica d.o.o. Tuzla, ul. Šetalište Slana banja bb**, koju zastupa direktor Majid Porobić (u daljem tekstu: *Naručilac usluga*)

i

2. _____ (**naziv ponuđača**), _____ (*adresa sjedišta Ponuđača*), ID broj: _____ zastupan po _____ (Ime i prezime ovlaštene osobe), (u daljem tekstu: *Izvršilac usluga*)

PREDMET UGOVORA

Član 1.

Na osnovu Poziva za dostavu ponuda i postupka o dodjeli ugovora za usluge iz Aneksa II dio B Zakona o javnim nabavkama broj: _____ od _____ 2018. godine i ponude broj _____ od _____ 2018. godine, ugovorne strane su saglasne da je predmet ovog Ugovora:

- Pružanje zdravstvenih usluga hitne medicinske pomoći (1 medicinski tehničar osposobljen za CPR sa opremljenim sanitetskim vozilom, vozačem, neophodnom terapijom koja podrazumijeva manuelne vještine reanimacije, toaletu rane, kontrolu krvnog pritiska, šećera u krvi, obezbjeđenje venskog puta i procjenu stanja pacijenta) posjetiocima kompleksa Panonskih jezera u Tuzli i dežurstvo ekipe hitne medicinske pomoći;
- Obavezni zdravstveni (sanitarni) pregledi radnika koji rade u ugostiteljstvu, prema spisku Naručioca usluga, koji je sastavni dio ovog Ugovora;
- Ponovljeni bris grla ili bris nosa;
- Kurs o sticanju potrebnih znanja o higijeni životnih namirnica, sirovina namijenjenih za proizvodnju životnih namirnica i predmeta opće upotrebe i o ličnoj higijeni, a u skladu sa Pravilnikom o načinu i obimu sticanja potrebnih znanja i higijeni životnih namirnica (u daljem tekstu: kurs) (Sl. list SR BiH broj: 30/88), koji je na snazi na osnovu Poglavlja IX član 5. stav 1. Ustava Federacije Bosne i Hercegovine i člana 200. Zakona o upravnom postupku (Sl. novine FBiH broj 2/98 i 48/99).

CIJENA

Član 2.

Ukupna cijena po ponudi broj: _____ od _____ 2018. godine je _____ KM (slovima: _____ KM) bez PDV-a.

OBAVEZE IZVRŠIOCA USLUGA

Član 3.

Izvršilac usluga se obavezuje da na kompleksu Panonskih jezera u Tuzli:

- obezbijedi dežurstvo jednog medicinskog tehničara (osposobljenog za CPR) sa opremljenim sanitetskim vozilom, neophodnom terapijom iz člana 1. stav 1. tačka 1. ovog Ugovora i vozačem, u sve dane u koje jezero radi, osim u slučaju ako Naručilac usluge drugačije ne odredi;
- da radnicima Naručioca usluga održi Kurs o sticanju potrebnog znanja o higijeni životnih namirnica, sirovina namijenjenih za proizvodnju životnih namirnica i predmeta opšte upotrebe i o ličnoj higijeni, i nakon provjere znanja izda Certifikate polaznicima Kurasa;
- da poslove iz člana 1. ovog Ugovora obavi profesionalno u skladu sa pravilima struke, prema najboljem znanju i sposobnostima;
- da najkasnije do 5.og u mjesecu za protekli mjesec ispostavi fakturu Naručiocu usluga za obavljene usluge iz člana 1. ovog Ugovora.

OBAVEZE NARUČIOCA USLUGA

Član 4.

Naručilac usluga se obavezuje da:

- omogućiti medicinskom osoblju uslove za nesmetano pružanje hitne medicinske pomoći posjetiocima kompleksa Panonskih jezera i dežurstvo ekipe hitne medicinske pomoći;
- da obavijesti odgovornu osobu Izvršioca usluga, najkasnije do 09,00 sati o potrebi angažmana hitne medicinske pomoći za taj dan;
- da uputi radnike na Kurs o sticanju potrebnog znanja o higijeni životnih namirnica, sirovina namijenjenih za proizvodnju životnih namirnica i predmeta opšte upotrebe i o ličnoj higijeni i
- da ispostavljenju fakturu za usluge iz člana 1. ovog Ugovora plati u roku od 30 dana od dana prijema fakture.

ZAVRŠNE ODREDBE

Član 5.

Izvršilac usluga se obavezuje da će ugovorene usluge obaviti u dogovoru sa ovlaštenim licem Naručioca usluga.

Član 6.

Ugovorne strane će nakon obavljenih usluga iz člana 1. ovog Ugovora sačiniti zapisnik koji će potpisati ovlaštena lica.

Član 7.

Ugovorne strane su saglasne da će sve izmjene i dopune Ugovora ugovarati pismeno, odnosno, utvrđivati aneksom ovog Ugovora.

Član 8.

Eventualne sporove po odredbama ovog Ugovora stranke će rješavati sporazumom, a u suprotnom nadležan je sud u Tuzli.

Član 9.

Ovaj Ugovor stupa na snagu danom potpisivanja ovlaštenih predstavnika obje ugovorne strane.

Član 10.

Za sve pojedinosti koje nisu tretirane odredbama ovog Ugovora važe odredbe Zakona o obligacionim odnosima.

Član 11.

Ugovor je sačinjen u 6 (šest) primjeraka od kojih Naručilac usluga zadržava 4 (četiri), a Izvršilac usluga 2 (dva) primjerka.

Ponudač: _____

JKP "Pannonica" d.o.o. Tuzla

Majid Porobić

Broj: _____

Datum: _____ 2018. g.

Broj: _____

Datum: _____ 2018